

KJKP "RAD" SARAJEVO, Paromlinska 57. (u daljem tekstu: "Naručilac"), koga zastupa direktorica Vera Arnautović, dipl. pravnik.

Broj rješenja: UF/I-889/01

Porezni broj: 01700105

Identifikacioni broj: 4200316890001

Transakcijski račun broj: 338-900-22080776-49 UniCredit banka d.d. Sarajevo

I

Agencija za zaštitu ljudi i imovine "Securitas" d.o.o. Sarajevo, ulica Bačići br.3, Sarajevo, koga zastupa direktor Valdin Jažić (u daljem tekstu: „Izvršilac“).

Broj rješenja: 065-0-Reg-18-000033

Identifikacioni PDV broj: 227417480004

Poreski broj: 07004738

Transakcijski broj računa: 1610200035990008 Raiffeisen bank d.d.

zaključili su :

U G O V O R

o vršenju usluge pratnje novca za naplatni centar Vogošča

PREDMET UGOVORA

Član 1.

Predmet ovog Ugovora je vršenju usluge pratnje novca za naplatni centar Vogošča, u skladu sa ponudom Izvršioca broj: 372/19 od 28.01.2019. godine koja je sastavni dio ovog Ugovora i prema Odluci o izboru najpovoljnijeg ponuđača za vršenje usluga broj: 05-03-04-3454/19 od 22.02.2019. godine.

Član 2.

Izvršilac se obavezuje da će usluge koje su predmet Ugovora vršiti prema potrebama Naručioca i na osnovu njegovog poziva na intervenciju.

CIJENA

Član 3.

Izvršilac se obavezuje da će Naručiocu usluge iz predmeta Ugovora vršiti po cijenama iz Ponude broj: 372/19 od 28.01.2019. godine koje ukupno iznose: 4.750,00 KM.

U cijene nije uključen PDV.

Sastavni dio ugovora čini i specifikacija sa jedničnim cijenama.

ROK IZVRŠENJA USLUGA

Član 4.

Rok izvršenja usluga je deset (10) minuta po prijemu poziva na intervenciju.

Član 5.

Izvršilac usluga se obavezuje da Naručiocu nadoknadi svu štetu koja može da nastane nepoštivanjem odredbi ovog Ugovora, opravdanih naloga Naručioca koji su u skladu sa obavezama predviđenim u Proceduri obavljanja usluge transporta novca i vrijednosnih pošiljki, kao i za štete nastale kao posljedica dokazane krivice uposlenika Izvršioca u obavljanju poslova transporta novca i vrijednosnih pošiljki.

Član 6.

U spornim slučajevima Izvršilac i Naručilac usluga formirat će komisiju od tri člana koje će utvrditi stepen odgovornosti uposlenika Izvršioca. Članove Komisije imenuju:

- Naručilac usluga – jedan član;
- Izvršilac – jedan član;
- Osiguravajuća kuća Izvršioca -jedan član.

Član 7.

Izvršilac usluga neće odgovorati za štetu koja je nastala usljed slijedećeg:

- dejstva više sile koja podrazumjeva bilo koju direktnu ili posljedičnu štetu koju nije bilo moguće predvidjeti ili upotpunosti sprječiti prventivnim aktivnostima (štete nastale usljed zemljotresa, poplava, sniježnog nevremena, požara i sl);
- štete nastale kao posljedica nemira, terorističkih akata ili oružanih sukoba.

Član 8.

Izvršilac usluga neće odgovorati za štetu nastalu usljed nedostataka i propusta Naručioca usluga koje i pored upozorenja Izvršioca izdatog Naručiocu koje on u razumnom roku nije otklonio. Također, Izvršilac neće odgovarati za štetu nastalu na osnovu povrede intelektualnih prava Naručioca, osim ako je do toga došlo kršenjem odredbi glavnog ugovora koje se odnose na povjerljivost.

Član 9.

Maksimalna odgovornost Izvršioca u okviru ovog Ugovora ne može biti veća od 50.000,00 KM po štetnom događaju, odnsono u zbirnom iznosu na godišnjem nivou počev od dana primjene ovoga Ugovora.

NAČIN PLAĆANJA

Član 10.

Za izvršene usluge, koje su predmet Ugovora, Izvršilac će na osnovu radnog naloga koji je ovjeren od strane ovlaštenog predstavnika Naručioca ispostaviti Naručiocu fakturu. Izvršene usluge Naručilac će platiti na transakcijski račun Izvršioca u roku od 60 dana od dana fakturisanja.

GARANCIJA

Član 11.

Izvršilac je obavezan dostaviti garanciju za dobro izvršenje posla u iznosu od 10% od vrijednosti ugovora. Rok za dostavljanje garancije je sedam (7) dana od dana potpisa ugovora.

Član 12.

Izvršilac se obavezuje da će usluge koje su predmet Ugovora vršiti kvalitetno i u dogovorenom roku.

U slučaju nekvalitetno izvršene usluge Naručilac ima pravo od Izvršioca zahtjevati da otkloni uočene nedostatke.

Reklamaciju na kvalitet izvršene usluge Naručilac saopštava Izvršiocu odmah, a najkasnije sedam (7) dana od dana izvršenja usluge.

Član 13.

Rok za otklanjanje nedostataka je odmah po saopštavanju istih.

ANTI KORUPCIONA KLAUZULA

Član 14.

(1) Ugovorne stranke se izričito obavezuju da će se u izvršavanju poslova po ovom ugovoru izričito suzdržati od bilo kakvih radnji koje bi imale znakove koruptivnog postupanja.

(2) Ugovorne strane se obavezuju da neće dati, obećati ili prihvatiti bilo kakav poklon ili isplatu u novcu ili nekom drugom vrijednom predmetu, posredno ili neposredno jedna drugoj, putem bilo kog službenika ili drugog zaposlenog u jednoj od ugovornih stranaka ili drugom preduzeću (službi, odjeljenju), odnosno bilo kog lica sa svrhom podmićivanja da bi tako naveli nekog službenika ili drugog zaposlenog ili stranku na zloupotrebu svog položaja tako da bi time stekao, zadržao ili usmerio poslove ka naručiocu, zastupniku, distributeru, preduzeću ili drugom povezanom preduzeću.

(3) U slučaju izvršenja ili pokušaja izvršenja radnje iz prethodnog pasusa, već sklopljeni ili važeći ugovor je ništavan, a ako ugovor još nije važeći, računa se da ugovor nije ni bio sklopljen.

UGOVORNE ZABRANE

Član 15.

Prodavac nema pravo zapošljavati, u svrhu provedbe ugovora o javnoj nabavi, fizičke ili pravne osobe koje su sudjelovale u pripremi tenderske dokumentacije ili su bile u svojstvu člana ili stručne osobe koju je angažirala komisija za nabavke najmanje šest mjeseci po zaključenju ugovora, odnosno od početka realizacije ugovora.

RASKID UGOVORA

Član 16.

Svaka od ugovornih strana može tražiti raskid ovog Ugovora. Zahtjev za raskid ovog Ugovora podnosi se u pisanoj formi, s tim da otkazni rok ne može biti kraći od 30 dana.

U slučaju raskida ugovora, ugovorne strane će izmiriti sve svoje obaveze nastale do dana raskida Ugovora, a prema važećim uslovima iz ugovora.

OSTALE ODREDBE

Član 17.

Za sve eventualne sporove koje ugovorne strane ne budu mogle riješiti sporazumno nadležan je sud u Sarajevu.

Član 18.

Izmjene i dopune ovog Ugovora mogu se vršiti samo uz pismenu saglasnost ugovornih strana.

Član 19.

Sastavni dio ovog Ugovora je ponuda Izvršioca broj: 372/19 od dana 28.01.2019. godine.

Član 20.

Ugovor stupa na snagu danom potpisivanja i traje do 02.04.2021. godine.

Član 21.

Ugovor je sačinjen u 6 (šest) istovjetnih primjeraka i to 2 (dva) za Izvršioca, 4 (četiri) za Naručioca.

**Agenciju "Securitas" d.o.o. Sarajevo
Direktor**

**KJKP "RAD" d.o.o. Sarajevo
Direktorica**

Valdin Jažić

Vera Arnautović, dipl. pravnik

Broj: 05-03-04-_____/20
Dana, 02.04.2020. godine